



Reykjavíkurborg
Borgarstjórnin í Reykjavík

Reykjavík, 11. janúar 2021
R20120040

Borgarráð

Erindisbréf - Hringrásarhagkerfið í Reykjavík

Hjálagt erindisbréf starfshóps um hringrásarhagkerfið í Reykjavík er lagt fram til kynningar.

Dagur B. Eggertsson

Hjálagt:
Erindisbréf starfshóps um hringrásarhagkerfið í Reykjavík,
drög.

ERINDISBRÉF
Græna plan Reykjavíkurborgar
-
Hringrásarhagkerfið í Reykjavík

Ábyrgðarmaður:

Borgarstjórinn í Reykjavík.

Inngangur:

Á fundi borgarstjórnar þann 2. júní sl. var samþykkt að unnin verði langtímaáætlun um fjármál og fjárfestingu Reykjavíkurborgar, Græna planið, sem byggir á sjálfbærni og skýrri framtíðarsýn um kolefnishlutlaust borgarsamfélag í samræmi við loftslagsstefnu Reykjavíkurborgar. Áætlunin verði unnin samhliða undirbúningi fjárhagsáætlunar vegna ársins 2021 og fimm ára áætlunar.

Á fundi borgarstjórnar 1. desember sl. voru drög að Græna planinu, sóknaráætlun Reykjavíkurborgar til 2030, lögð fram ásamt frumvarpi að fjárhagsáætlun Reykjavíkurborgar 2021 og fimm ára áætlun 2021-2025 til fyrri umræðu borgarstjórnar.

Á meðal aðgerða Græna plansins árið 2021 er skipan starfshóps um hringrásarhagkerfið í Reykjavík. Hringrásarhagkerfið fjallar um að við allar ákvarðanir um innkaup og við rekstur borgarinnar og fyrirtækja hennar verði tekið tillit til langlífis hluta, margnota, endurnýtingar og eins lítillar sóunar og úrgangs og kostur er.

Hlutverk og vinnufyrirkomulag:

Hlutverk hópsins er að gera tillögu að stefnu og aðgerðaáætlun um hringrásarhagkerfið í Reykjavík. Við stefnumótunina verði litið til og leitað samræmis við aðra stefnumótun og vinnu undir Græna Planinu. Einnig verði litið til fjögurra lykilþátta hringrásarhagkerfisins; byggingariðnaðar, innkaupa, úrgangsmála og deiliahagkerfisins og nýrra viðskiptatækifæra í hringrásarhagkerfinu sbr. aðgerðaáætlun Helsinki-borgar um Hringrásarhagkerfið og eftir atvikum annarra.

Helstu verkefni:

Tillaga að stefnu og aðgerðaáætlun um hringrásarhagkerfið í Reykjavík sem innihaldi m.a.:

- Tillögur um hvernig draga megir úr úrgangi og stuðla að betri nýtingu auðlinda, þ.m.t. úrgangs í hringrásarhagkerfi borgarinnar
- Tillögur um hvernig nýta skuli úrgang sem ekki fer til endurvinnslu eða endurnýtingu hjá Sorpu í dag.
- Leiðbeiningar um hvernig Reykjavíkurborg og fyrirtæki hennar geta stuðlað að minni úrgangi og aukinni endurnýtingu með skilyrðum í innkaupferlum.
- Tillögur um að minnka og útrýma einnota plasti í samstarfi við stýrihóp um aðgerðir gegn umbúðasóun í Reykjavík.
- Tillögur um hvernig hringrásarhugsun verður byggð inn í skipulag hverfa og atvinnusvæða, m.a. til að nýta glatvarma.
- Tillögur um hvatningu til nýsköpunar á sviði hringrásarhagkerfisins til að fjölga störfum við að auka endurnýtingu og endurvinnslu.



Starfshópurinn geri einnig tillögur að markaðs- og kynningarefni um Hringrásarborgina til að virkja almenning og hagsmunaaðila í verkefnið og fyrir samráð inn í stefnumótunarferlið og fyrir aðgerðaáætlunina.

Starfshópurinn geri verk- og tímaáætlun fyrir einstaka verkefni og spretti og skipti með sér verkum.

Starfshópurinn skipa:

Jón Viggó Sigurðsson, framkvæmdastjóri SORPU.

Fulltrúar OR/Veitna, Faxaflóahafna, Strætó bs., Félagsbústaða, Sorpu og Malbikunarstöðvarinnar Höfði.

Fulltrúi/ar umhverfis- og skipulagssviðs auk annarra starfsmanna sviðsins eftir því sem við á.

Starfsmenn:

Starfsmaður Sorpu bs. starfi með hópnum auk þess sem starfsmenn Reykjavíkurborgar og fyrirtækja hennar starfi með honum eftir því sem við á.

Til ráðgjafar og samstarfs:

Starfshópurinn leiti ráðgjafar innan og utan borgarkerfisins hjá aðilum sem hafa sérþekkingu á viðfangsefninu og við stefnumótunina verði litið til sambærilegrar stefnumótunar í nágrannaríkjunum og lært af því hvernig aðrar borgir hafa nálgast verkefnin. Haft verði samráð við samtök sveitarfélaga á höfuðborgarsvæðinu og fulltrúum þess boðið að taka þátt í störfum hópsins eftir því sem við á. Samráð verði einnig haft eins og við á við önnur sveitarfélög á höfuðborgarsvæðinu, Betri samgöngur ohf. og ríkið sem og aðra hagaðila þar sem við á eins og hönnunargeirann o.fl.

Starfstímabil:

Starfshópurinn skili tillögum vegna einstakra verkefna og spretta skv. verk- og tímaáætlun hópsins sem skila skal til ábyrgðarmanns fyrir lok janúar 2021.

Reykjavík, [Dags.]

Dagur B. Eggertsson